

右靈真八道變化空洞玉景隱符出自太上玉篇之中以輔神經之用亦當隨色書繪上佩身八年剋得真人除謫必獲上仙諸行道存思期真上希飛騰散降罪籍上名金簡皆當服符行事凡太歲本命甲子庚申預是修行皆當隨節服符不必在正節之日也修學不得此文罪名不解神真直除去仙甚速有得之者白日昇天可謂變化空洞也

元始天尊說變化空洞妙經

太上昇玄三一融神變化妙經卷上 紅 卷上

爾時元始天尊處於虛元自然玄一七寶之座收神退想恬適玄漢普為一切賢聖諸天人眾講揚大法漸頌遠遶因緣湛寂元為洞觀一切无量法門虛實空有真偽邪正善惡清濁高下貴賤內外文武大小一切萬法无量無數不可具陳各隨其習業所執事相不同乍合乍離乍存乍亡乍來乍去或出或沒乍進乍退乍生乍滅或有或無乍真乍偽或貴或賤乍苦乍樂或貧或富為男為女或文或武時好時醜乍凶乍吉或在凡在聖如此受報无量事相種種因緣不可具說皆因前緣所行一切大小之法修習來報致得今日受業不同不悟大乘元為法教故難解脫伴著小乘少知少見心有縛著不解明了頓悟玄理通達元為虛融法性靈神湛照觀行元為而求解脫但只違法住法不識正性本體清靜強生貪著繫縛執著因緣不悟本來至真元上大道具足圓滿成就一切神力功德智慧

解脫因緣偏見執著強生分別更生誹謗不識理性本來一乘元二智隨凡化動靜改變因果苦樂不同良由宿世習業今日受報如此

爾時眾中有玄一道君從眾而出旋行寶座擎奉恭敬稽首上白元上大道虛元至尊神智高廣玄通元礙大聖總統一切天上天下虛融道性分无量法門安定空有洞觀一切受報因緣了別事相玄照業因慈悲化度廣開法門唯願善濟今日眾等萬劫有幸宿恩德報今日得見元上大道尊顏敷演法教普願成就一切眾生導引群迷登道岸俱會大乘法相親觀功德成就了元為玄解法要大乘根原智德圓滿助道揚化普度天人救拔一切元量眾生普願成就齊入法門禮侍尊顏親承大法供養修禮所願從心功德如願智行俱備唯願廣化一切普登大法唯願成就與道合同爾時元始天尊告玄一道君曰善哉善哉汝今發問至要元上大法因緣甚為深妙難可思議

汝等復座諦聽吾為汝說无上大法成就一切无量法門有成有敗有生有滅有出有沒有進有退有是有非有好有惡有長有短有愚有智有明有暗良由過去習業不同修行小法為道技業所修一切功德暫得人天福報因緣報盡還歸磨滅不免輪迴六道受諸報對善惡之事不停生生復死死復生經歷生死造善造惡報對无窮无盡難得解脫无有大法勝緣拔度頓得捨離一切業道去離三惡五道九幽八難三塗五苦超出三界之上度脫生死之道解脫无為所修一切有為法教福報有盡還歸破壞磨滅泥土同法不得正真解脫良由心智不達執繫有為希求功報若盡還歸散壞如此辛苦不免无常變化隨其來業流浪不得自在被他拘繫无有休息若夫大士上智了達玄悟道性之人所修一切功德不希功報心无取著我所修一切有為功德者唯將顯明事相堅持法教引導愚人令其出離解脫漸得利益進入法門賴此功德福善莊嚴以道結緣所修一切

因果以保命根求生受報功德因緣唯我作導師於其中間引化種種事相因緣並將捨施一切天地神祇拔度六道過去九玄七祖一切先亡罪惡眾生今出苦海進入道門俱得解脫唯我獨守无為歸根及本靜我神識清淨氣性護我身心无所起外无所深心无所住遍行圓滿不依一法而生法相不住一法而生繫縛不起一念欲求福報功德因緣我所行學狀若无修我所云為作諸功德喻若无福不敢希報回施一切人天世界唯願以此功德散備一切六道福善莊嚴與我同得解脫齊入至真俱登道岸
太上告玄一大道君曰汝等徒衆所有助道行化開悟群迷為諸男女作大法船如大法海包納含藏萬川如以天地陰覆萬物皆造利益教化人天隨緣應化看其根性利鈍愚智清濁開明漸頓悟解量測身心隨緣教授皆令得旨趣小悟小化大悟大化濁者濁化善者善化惡者惡化方便善誘今出彼岸值道見法解脫因緣成就大乘法體巍巍无上

道矣

太上丹玄三一融神變化妙經卷上